

Xafiska Waxbarashada Sare ee Minnesota

DEEQAHA IYO


WAXBARASHADA BILAASHKA AH

2021





OFFICE OF
HIGHER EDUCATION



Deeqda waxbarashada iyo deeqaha waa gargaar dhaqaale oo aadan dib u bixin doonin.

...Waa maxay noocyada kale ee gargaarka dhaqaale ee la heli karo?

Gargaarka dhaqaaluhu wuxuu ku yimaadaa saddex qaab:

Gargaar ay qasab tahay inaad dib ka bixiso (amaah)



**Gargaar aadan dib ka bixineyn
(Deeqaha iyo Waxbarashada
Bilaashka ah)**

**Gargaarka aad hesho
(waxbarashada shaqada
iyo kaalmada militariga)**

Noocyada kale ee gargaarka waxaa kamid ah gunnooyinka adeega waxbarashada bulshada, barnaamijyada yareeya kharashaadka tuushinka iyo gunnooyinka canshuurta dawlada.

Isticmaal www.ohe.state.mn.us/estimator si aad u qiyaasto u qalmidaada Deeqaha Federaalka Pell, Deeqaha Gobolka Minnesita, iyo gunnooyinka canshuurta waxbarashada federaalka.

Deeqaha

Dawladu waxay bixisaa deeqaha ayadoo lagu saleynaayo baahida dhaqaale.

Deequhu waa isha ugu wayn gargaarka dhaqaalaha.

Deeqaha Federaalka Pell

Sanadka 2021-2022, Deeqaha Pell waxay gaarayaan \$650-\$6 495 halkii sanad dugsiiyeedba.

Ardayda ka dhashay qoysaska dakhligoodu gaarayo \$65,000 waxay u qalmi karaan Deeqaha Federaalka Pell, inkastoo inta badan deeqaha la siiyo ardayda kasoo jeeda qoysaska hela dakhliga hoose.

U qalmida:

Waxaa laga yaabaa in Deeqda Pell aad ku hesho waxbarashada heerka koowaad ee jaamacada ilaa aad ka dhammaystirayso shahaadada koowaad ee jaamacadda, ama aad hesho deeq u dhiganta 12 simistar oo waqti buuxa ah, hadba midka soo horreeya. Waxaad u isticmaali kartaa kuleej kasta. Marxaladaha qaar, waxaa laga yaabaa inaad hesho Deeqda Pell ka qayb galka barnaamijka shahaado siinta macalinka kadib qalin jabinta.

Marka laga imaado kasoo bixida shuruudaha u qalmida dhaqaalaha, ardaydu waa inay:

- Iska diiwaangeliyaan barnaamij u horseedaya shahaado, shahaadada jaamacada ama dibloomada kuleejka u qalma inuu ka qaybgalo barnaamijka Deeqaha Federaalka Pell.
- Ardayda raga ah waa inay saxiixaan caddeynta xaalada isdiiwaan gelinta taasoo muujinaysa inaad ka diiwaangashan tahay Adeegga Militariga (www.sss.gov) ama inaan lagaaga baahnayn inaad isdiiwaan geliso.
- Haystaan dibloomada dugsiga sare, oo ay kujiraan dugsiga guriga ama GED. (Sharci dhaafyo ayaa jira.)
- Joogteeyaan hormar tacliin oo lagu qanco. Haddii aad hesho gargaarka federaalka ardayda, waa inaad joogteyso buundada celceliska ee "C" aadna hesho heerka buundooyinka looga qalin jabiyo machadkaaga. Waa inaad dhamayso koorsooyin kugu filan teeram walba si aad u qalanjabiso waqtiga saxda ah.
- Saxiixaan bayaan ah inaan lagu lahayn lacag celin Deeqda Pell, aana lagu lahayn amaah federaali ah, iyo inaad ogolaatay inaad u isticmaasho kaalmada ardayga ujeedo waxbarasho oo keliya.
- Lagu xukumin haysashada ama iibinta daroogooyinka sharci darada ah marka ay helayaan gargaarka maaliyadeed ee federaalka.
- Yihiin muwaadiniin Maraykan ah ama qof aan muwaadin ahayn oo u qalma.

Waxaad tahay qof aan ahayn muwaadin oo u qalma haddii aad:

- Haysato Kaarka Deganaanshaha Rasmiga ah ee (I-551).
- Xaalad jirto oowgeed ku heshay deganaanshaha rasmiga ah ee wata kaarka 1-551C
- Haysato Diiwaanka Imaanshaha Dalka (I-94) oo aad ka heshay Waaxda Amniga Dalka ayna ku qoran yihiin mid kamid ah arrimahaan: qaxooti, oggolaanshaha nabadgelyo doonka, a parolee, qof la kulmay xadgudubka ka ganacsiga dadka, ama qof haysta fiisa T-Visa, soo galootiga Cuban- Hatian.



Waa maxay Nidaamka Adeega Militariga?

Nidaamka Adeegga Militariga waa hay'ad madx banaan oo ka tirsan Dowladda Mareykanka oo ilaalisa macluumaadka ragga laga yaabo inay ka shaqeeyaan hawlaha militariga.

Sidee ku oggaan kartaa inay tahay inaad iska diiwaangeliso Adeegga Militariga?

Waa qasab inaad isdiiwaangeliso haddii aad tahay nin dhashay Janaayo 1, 1960 ama muddo ka danbeysa, da'diisu tahay 18-25 oo aanad hadda ku jirin shaqada ciidamada qalabka sida. Shuruudaan waxay sidoo kale khuseysaa ardayda aan haysan dukumiintiga sharciga ah.





Codsiga:

Waxaa lagu siin doonaa Deeqdaada Federaalka Pell kadib marka aad buuxiso Codsiga Bilaashka ah ee Gargaarka Federaalka Ardayda (FAFSA). Waxaad codsan kartaa gargaarka sanad dugsiyeedka 2021-2022 kadib Oktoobar 1, 2020 iyo illaa Juun 30, 2021. Ardaydu waa inay codsadaan sanad walba si loo cusbooneysiyo deeqahooda.

Deeqaha Gobolka Minnesota

Barnaamijka Deeqaha Gobolka Minnesota waa barnaamij lagu saleeyo baahiyaha oo ay bixiso gobolka waxaana heli kara ardayda aan weli dhigan siddeed simistar oo waqti buuxa ah oo dugsi sare ah ama wax u dhigma. Si aad u hesho deeqda Gobolka ee teeramka, waa in FAFSA loosoo gudbiyo xarunta hawlaha federaalka 30 maalmood gudahooda oo laga bilaabaayo taariikhda teeramka dugsiyo bilaabmayo. Celceliska abaalmarinta ardayga ee waqtiga buuxa ah hal sano qiyaas ahaan waa \$1,857.

Uqalmida: Dadka degan Minnesota ee iska diiwaangeliya ugu yaraan saddex kaarso oo ay ku qaadanayaan shahaadada koowaad ee ardayda barnaamijyada u horseedaya inay shahaado, dignii ama dibloomo ka helaan dugsiga uu ka qaybgelayo ee Minnesota.

Waxyaabaha laga doonaayo Dadka Degan Minnesota:

Si laguugu aqoonsado inaad tahay arday Degan Minnesota, ardaygu waa inuu kasoo baxo MID kamid ah shuruudahaan soosocda:

- Waa inuu yahay arday ka qalin jabiyay dugsiyada sare ee Minnesota asagoo degan Minnesota uuna si toos ah u xaadiro kuleejka (haddii si kumeel gaar ah uu u degan yahay gobal kale).
- Waa inuu GED ka helay Minnesota kadib markuu gobalka ku noolaa muddo ugu yaraan dhan hal sano.
- Waa inuu Kunoolaa Minnesota ugu yaraan hal sano uuna ugu noolaa arrimo aan la xariiran ujeedooyin waxbarasho (uusana ka diiwaangashayn in ka badan shan koorso oo ah heerka koowaad ee jaamacada muddo kasta xiligaas).
- Waa in Waalidkiis ay joogaan Minnesota gaar ahaan marka uu soo gudbinayay codsiga gargaarka dhaqaalaha (ardayda waalidka ku tiirsan oo kaliya).
- Waa inuu yahay arday qaxooti ahaan ugu guuray Minnesota kuna sii nuklaaday Minnesota.
- Wa inuu yahay xaas ama halyeel qof ku tiirsan, haddii halyeygu ku nool yahay Minnesota.
- Waa inuu yahay xubin firfircoon (ama xaas ama qof ku tiirsan) oo ka tirsan Ilaalada Qaranka ee Minnesota ama qaybta kaydka oo ka tirsan Ciidamada Qalabka Sida ee Maraykanka oo xaruntoodu ay kutaal Minnesota, oo degan gobalka Minnesota.
- Waa inuu yahay qof ka shaqeeyaa Minnesota ahna xubin katirsan (xaas ama qof ku tiirsan) ciidamada qalabka ee Mareykanka ee qabta hawlaha militariga federaalka.
- Waa inuu usoo wareegay Minnesota 12 kii billood ee madaxwaynuhu ku dhawaaqay bayaanka ka dhanka ah masiibada haddii masiibadu dhib u geysatay waxbarashada ardayga ee dugsiga sare kadib.
- Waa inuu kasoo baxaa shuruudaha ku xusan Xeerka Riyada Minnesota Akhri buugga #2 (FAFSA).

Sidee Deeqda Shaqada ee Gobalka u shaqeysaa?

Barnaamijka Deeqaha Gobolka wuxuu xiriir la leeyahay Barnaamijka Deeqaha Pell ee Federaalka. Ardaydu waxay masuul ka yihiin inay bixiyaan ugu yaraan boqolkiiba 50 kharashaadka xaadirista ee kaydka, dakhliga, amaahda, ama gargaarka dhaqaale ee kale ee kuleejka ama il gaar ah. Tusalaahaan soosocda wuxuu adeegsadaa xogta 2019-2020

Kharashaadka xaadirista waxaa kamid ah:

- Khidmada iyo kharashka tuushinka
- Gunnada caadiga ah ee ay dejisay laanta Sharci dejinta Minnesota looguna talagalay qolka iyo guddiga, buuggaagta, agabka dugsiga, iyo kharashyada kala duwan.

Tusaale:

Arday ku tiirsan qof kale oo dhigta Jaamacadda Gobolka Minnesota gaar ahaan 15 buundooyin halkii simistarba kana soo jeeda qoyska dakhligoodu dhan yahay \$25,000. Expected Family Contribution (EFC, Qoondada Qoyska ee La filaayo) waa \$0.

Kharashaadka Xaadirista

- Celceliska Khidmada iyo kharashka tuushinka \$8,806
- Nolasha iyo adeegyo kaladuwan Gunnada \$9,930

Wadarta Guud \$18,736

- Waajibaadka Ardayga \$9,368
- Deeqda Pell \$6,195
- Deeqda Gobolka \$3,173

Wadarta Guud 18,736

Ardaydu waxay u qalmi karaan deeqaha gobalka iyo federaalka oo dhan \$9,368. Ardaydu wuxuu meel kale ka heli karaa gargaar deeq oo dheeraad ah. Arrintaan ma saameyneyso Deeqda Pell ama Mida Gobolka.



Federal Supplemental Educational Opportunity Grant (SEOG), Deeqaha Fursada Waxbarasho ee Dheeraadka ah ee Federaalka

Deeqda Fursada Waxbarasho ee Dheeraadka ah ee Federaalka waxaa uu abaalmarin siiyaa ardayda aadka u baahan oo waxa ay ku dari karaan lacag dhan \$100 illaa \$4,000 oo deeq lacageed ah xirmada gargaarka maaliyadeed ee ay bixiyaan. Cadadka abaalmarinta waxaa dejiya xafiiska kaalmada maaliyadeed ee machadka waxayna ku xiran tahay helitaanka lacagaha dugsigaaga iyo lacagaha gargaarka kale ee aad heleyso.

U qalmida:

Kaliya ardayda shahaadada koowaad ee jaamacadda baranaaya ayaa u qalma. Mudnaanta koowaad waxaa la siin doonaa ardayda horey u helayay Deeqda Pell. Ardaydu waa inay yihiin muwaadiniin Maraykan ah ama qof aan muwaadin ahayn oo u qalma.

Codsiga:

Xafiiska gargaarka maaliyadeed ee dugsigaaga ayaa isticmaali doona natiijoyinkaaga FAFSA si loo go'aamiyo cadadka abaalmarintaada. Waqtiga kama dambeysta ah way ku kala duwan yihiin dugsiyadu, codso sida ugu dhakhsaha badan ee suurtagalka ah.



Deeqda Daryeelka Ilmaha ee la bixiyo Dugsiga sare kadib ee Minnesota

Ardayda haysta carruur jira 12 sano iyo kuwa kasii yar (14 iyo ka yar hadday naafo yihiin) oo qaba baahiyo dhaqaale waxay heli karaan gargaar hoos yimada Barnaamijka Deeqaha Carruurta ee Dugsiga Sare ee Minnesota si ay ugu adeegsadaan bixinta kharashka daryeelka ilmaha. Kaalmada dhaqaale waxay dabooli kartaa illaa 40 saacadood asbuucii halkii ilmo oo u qalma. Cadadka abaalmarinta deeqdaan waxaa lagu saleeyaa dakhliga codsadhaha iyo xaaska, lambarka qoyska codsadhaha, tirada carruurta xaqa u leh ee u baahan daryeelka ilmaha, kharashka dhabta ah ee daryeelka ilmaha, iyo haddii ardaygu ka diiwaangashan yahay waqti maalin buuxda ama maalin barkeed. Deeqaha waxaa loogu talagalay labadaba ardayda dhigta heerka koowaad ee jaamacada iyo kuwa dhigta heerka labaad ee jaamacada.

U qalmida:

Waxaad u qalantaa inaad codsato deeqda Daryeelka Ilmaha ee dugsiga sare kadib haddii aad:

- Degan tahay Minnesota, oo ay kujiraan xaasaska degan Minnesota iyo ardayda aan haysan dukumiintiga ee u qalma sida ku xusan Xeerka Riyada MN.
- Haysato ilmo jira 12 sano ama kasii yar (14 jir ama ka yar haddii uu naafo yahay), kaas oo ka helaya ama ka heli doona daryeel si joogto ah daryeel bixiye haysta ruqsad ama aan haysan ruqsad
- Kasoo baxdo tilmaamaha dakhliga barnaamijka
- Ka diiwaangashan tahay ugu yaraan maalin barkeed (lix ama in ka badan oo buundooyinka shahaadada koowaad ah; 1 ama dhibco ka badan oo ardayda qalin jabisay) machad u qalma
- Tahay ardayda dhigta heerka koowaad ee jaamacadda oo aan helin shahaadada koowaad ee jaamacadda ama aan laga diiwaan gelin wax u dhigma siddeed simistar oo buuxa ama 12 rubuc oo waqti buuxa ah (xilli dheeraad ah oo u qalmitaanka ah ayaa diyaar u ah ardayda ka baxday dugsiga hawlaha adeegga militariga wixii ka danbeeyay Janaayo 1, 2013 ama haddii ay jirto xaalad caafimaad oo weyn). Tahay dhigta heerka labaad ee jaamacada iyo heerka sare ee waxbarashada haystana 4 sano oo u qalimid dheeraad ah kadib markuu helay shahaadada koowaad ee jaamacada.
- Tahay arday raadsanayaa barnaamij ama koorso waxbarasho ee khuseysa shahaadada koowaad ee jaamacada, dibloomada ama shahaado
- Tahay arday ku jira heer aqooneed oo wanaagsan oo samaynaya horumar lagu qanco oo la xariira shahaadada, dibloomada, ama shahaadada
- Tahay arday aan helin barnaamijka ardayda wax ku baran karaan gobal kale
- Tahay arday aan lagu lahayn lacagta amaahda ee waxbarashada ama, haddii lagu leeyahay, waa inaad sameysay qabanqaabo lagu qanco si aad dib ugu bixiso amaahda
- Helin Barnaamijka Maalgelinta Qoyska ee Minnesota ama gunnooyinka Barnaamijka Shaqada Kaladuwan ee isla muddada aad helayso deeqda Xannaanada Ilmaha ee Dugsiga Sare kadib (Ardayga helay abaalmarin ka dibna ka helay gunnooyinka barnaamijka MFIP isla teeramka waa inuu ku wargeliyaa dugsiga 10 maalmood gudahood)

Codsiga:

Waa inaad codsato deeqda Daryeelka Ilmaha ee waxbarashada dugsiga sare kadib ayadoo adeegsanaaya xaafiiska gargaarka dhaqaalaha ee dugsigaaga.

Deeqaha waxbarashada

Waxaa la bixiyaa deeqaha waxbarashada ayadoo la raacaayo shuruudaha sida guusha tacliinta iyo ciyaaraha fudud, dhaqanka ama aasaaska diinta ama xirfadaha gaarka ah iyo tayada. Kuleejyada qaarkood waxay ardayda ka doonayaan inay dhammaystiraan borofaylka CSS, qiimayn qotodheer oo baahida dhaqaale ku saabsan.

Xaqiiji inaad firiso xafiiska gargaarka dhaqaalaha ee kuleejka si aad u aqoonsato deeqaha waxbarashada. Inta badan waxaad u baahan tahay inaad buuxiso foomamka codsiga deeqaha waxbarashada marka lagu daro FAFSA, iyo waqtiyada kama dambeysta ah waa kuwo degdeg ah!

Si aad u hesho qayb kamid ah liiska deeqaha waxbarashada ee machadyada Minnesota, booqo www.ohe.state.mn.us/mnscholarships.



Barnaamijka Deeqaha Waxbarashada Hindiyaanka ah ee Minnesota

Deeqda waxbarashada waxaa heli kara ardayda Hindida Mareykanka ee xaqa u leh ahna ardayda dhigata heerka koowaad ee jaamacada ugu yaraan saddex teeram ama ardayda heerka labaad ee jaamacada ee iska diiwaangeliyay waxbarashada maalinta barkeed la dhigto.

U qalmida:

Si aad ugu qalanto deeqaan waxbarashada, waxaa inaad:

- Tahay afar meelood meel ama u dhaw Hindida Ameerikaanka
- Degan tahay Minnesota sababo la xariira ujeedooyinka gargaarka dhaqaale
- Ka diiwaangashan tahay kuleej la aqoonsan yahay, jaamacad ama dugsiga xirfadaha Minnesota
- Tahay ardayd dhigta heerka koowaad ee jaamacada una qalma Deeqda Gobalka iyo Pell; ardayda heerka labaad ee jaamacada waa inay soo bandhigaan baahida

Codsiga:

Ardaydu waa inay buuxiyaan FAFSA ayna dhameystiraan codsiga www.ohe.state.mn.us/indianscholarship. Waqtiga kama danbeysta ah ee mudnaanta leh si loo dhameystiro waa Luulyo 1.

Foomamka codsiyada iyo Xogta waxaa sidoo kale laga heli karaa:

Barnaamijka Deeqaha Waxbarashada Hindiyaanka ah ee Minnesota ee Xafiska Waxbarashada Sare ee Minnesota

Teleefanka: (651) 642-0567 or (800) 657-3866

limaylka: info.ohe@state.mn.us

Meesha laga helo deeqaha Waxbarashada Bilaashka ah

Ururo bulsho oo badan, hay'ado, shirkado, naadiyo, dadwayne, iyo kooxaha dhaqanka ayaa bixiya deeqaha waxbarashada bilaashka ah.

Haddii aad raadinaysa ilo gaar ah ahna gargaar dhaqaale, waa inaad:

- Waydiiso shirkadaada ama shirkada qoyskaaga, ururo xirfadlayaal ah, ama ururka shaqaale
- Waydiiso in shirkadaadu leeyahay siyaasad waxbarasho oo lacag siisa shaqaalaha si ay iskaga qoraan koorsooyinka dugsiga sare ee la xariira shaqada
- Waydiiso ururada bulshada sida Rugta Ganacsiga, Kaniisadaha, ama Naadiyada Rotary
- Waydiiso lataliyaha dugsiga sare
- Ka baarto baraha oonleenka ah adoo adeegsanaaya mid kamid ah baraha laga baaro deeqaha waxbarashada bilaashka ah ee hoose

Ilaha Deeqaha Waxbarashada Bilaashka ah

Buugga Deeqaha Waxbarashada Bilaashka ah, 2020. Waxaa laga iibsan karaa www.collegeboard.org. Maktabadii deegaanka waxay bixisaa deeq waxbarasho, waxaana laga yaabaa inay haysato nuqulka buug gacmeedka iyo buugaagta kale ee la heli karo.

Baraha Laga baaro Deeqaha Waxbarashada Bilaashka ah

CollegeNet • www.collegenet.com

FastWeb • www.fastweb.com

Deeqaha Xarumaha waxbarashada Bilaashka ah ee Minnesota

• www.ohe.state.mn.us/mnscholarships

Scholarships.com • www.scholarships.com

Barnaamijyada Lagu barto Shaqada

Waxaa laga yaabaa inaad hesho lacag aad iska bixiso kharashka waxbarashadaada adoo ka shaqaynaya shaqooyinka maalinta barkeed ah ee laga helo gudaha ama meelaha ka baxsan kambaaska ayadoo loo maraayo barnaamijka Waxbarashada Shaqada ee Federalka ama Barnaamijka Waxbarashada Shaqada ee Minnesota. Dugsiyada waxaa laga yaabaa inay ku jiraan shaqada waxbarashada oo qayb ka ah xirmada gargaarka dhaqaale. Xaafiiska gargaarka dhaqaale ee dugsiga aad dhigato ayaa go'aamiya cadadka abaalmarinta waxbarashada. Ardayda ka qaybqaadanaysa waxay shaqeeyaan celcelis ahaan 15 saacadood asbuucii waxaana laga yaabaa inay helaan \$3,000 ama in kasi badan sanadkii. Xafiiskaaga gargaarka dhaqaale waxaa uu tixgalin doonaa cadadka abaalmarinta barashada shaqada, jadwalka, xirfadaha shaqada, iyo barnaamijka tacliinta si loo go'aamiyo inta saacadood ee aad shaqayn karto.

U qalmida:

Ardayda Heerka Jaamacada koowaad iyo heerka labaad waxay u qalmaan barnaamijyada barashada shaqada ee gobalka iyo federaalka.

Si ay ugu qalmaan barnaamijka barashada shaqada federaalka, ardaygu waa inuu:

- Yahay muwaadin ama qof aan muwaadin ahayn oo u qalma
- Yahay arday barnaamijka lagu helo digriiga, shahaadada, ama dibloomada
- Ka diiwaangashan yahay Adeega Militariga haddii uu yahay nin
- Inaan lagu lahayn amaah
- Yahay arday aan lagu xukumin haysashada ama iibinta daroogooyinka sharci darada ah marka uu helaayo gargaarka maaliyadeed ee federaalka
- Haysto hormar tacliin oo lagu qanci karo

Si uu ugu qalmo barnaamijka barashada shaqada Minnesota, ardaygu waa inuu:

- Yahay arday degan Minnesota waana inuu dhigtaa dugsiga Minnesota
- Yahay arday ka diiwaangashan barnaamijka buundada ee ugu yaraan lix saacadood ah oo uu ka helaayo digrii, shahaado, ama diblooma
- Haysto hormar tacliin oo lagu qanci karo
- Yahay arday aan dukumiinti sharci ah haysan sida hoos timaada DACA haystana oggolaanshaha shaqada ayaa u qalma maalgelinada

Codsiga:

Xafiiska gargaarka dhaqaalaha ee dugsiga aad dhigato ama aad qorsheyneyso inaad dhigato ayaa isticmaali doona natiijoyinka FAFSA-gaaga ama Codsiga Sharciga Riyada (ardayda aan sharciga haysan) si loo go'aamiyo u qalmitaankaaga daraasadda shaqada.

Gunnooyinka Adeega Bulshada

AmeriCorps

AmeriCorps waa dadaal iskaashi oo ay sameeyaan wakaaladaha deegaanka iyo dawladda dhexe iyo dawlad goboleedyada si ay u bixiyaan adeegga bulshada ee dalka oo dhan ka jira. Boqolaal fursadaha adeegga bulshada ah ayaa diyaar u ah inay ka caawiyaan maalgelinta qayb kamid ah waxbarashada ardayga ka qaybqaadanaaya machad kasta oo federaalku aqoonsan yahay. Ardayda heerka labaad ee jaamacada ee AmeriCorps waxay heli karraan gunnooyinka amaahda waxbarashada.

U qalmida:

Si aad ugu qalanto boosaska AmeriCorps, waa inaad tahay 17 jir ama kasii wayn tahay, waa inaad haysato shahaado dugsi sare ama GED (ama aad dhameyneyso GED), oo aad tahay muwaadin Maraykan ah ama qof aan muwaadin ahayn.

Codsiga:

Si aad u hesho xog dheeraad ah oo ku saabsan AmeriCorps, booqo www.americorps.gov.

Si aad u hesho xog dheeraad ah oo ku saabsan fursadaha, wac ServeMinnesota adoo ka wacaaya (612) 333-7740, ama booqo www.serveminnesota.org.

Kaalmada Gargaarka ee Adeega Militariga

Dadka loogu yaraan inay ka qaybqaataan hawlaha waajibaadka inta ay ku jiraan kuleejka waxay helayaan dhowrtaan gaar ah oo ku saabsan u qalmitaanka kaalmada dhaqaale, heerka diiwaangelinta, iyo bixinta deynta. Inta badan marxaladaha, ardayga laguma ciqaabi doono maqnaanshiisa ama maqnaanshaheeda si uu u qabto adeeg ciidan oo firfircoon. Xog dheeraad ah ka hel xaafiiskaaga gargaarka dhaqaalaha.

Haddii hadda lagu soo qoray mid kamid ah liisaska laamaha militariga, si toos ah u waydiiya waaxdaada rrimaha ku saabsan gunnooyinka waxbarashada. Waxaa intaas dheer, waxaa jira gunnooyin waxbarasho oo federaalku iyo gobolku bixiyo oo loogu talagalay ardayda kasoo shaqeysay ama ka tirsan ciidamada qalabka sida.

Si aad u hesho xog dheeraad ah oo ku saabsan gunnooyinka waxbarashada halyeyada, booqo <https://linkvet.org/app/custom/education> Fadlan ogsoonow in dhammaan barnaamijyada aan loo adeegsan karin dhammaan noocyada tababarka.

Federaalka

Sharciga GI ee ka danbeeyay-9/11

Sharciga GI ee ka danbeeyay-9/11 wuxuu gunnooyin waxbarasho oo dhan illaa 36 billood siiyaa halyeyada u qalma. Sharcigu wuxuu dhaqan galay Agoosto 1, 2009. Waxa laga yaabaa inaad u qalanto haddii aad haysatay ugu yaraan 90 maalmood oo adeeg wadareedka ah markay taariikhdu tahay ama kadib Sebteembar 11, 2001 ama haddii lagaa saaray wixii ka dambeeyay Sebteembar 11, 2001 adiga oo naafo ah oo ku xiran adeegga 30 maalmood kadib.

Sharciga Forever GI

Sharciga Forever GI wuxuu soo gabagabeynayaa xadka 15-sano ee Sharciga Forever GI ee 9/11, ee oggolaanaya isticmaalka gunnooyinka nolosha kuwa la sii daayay Janaayo 01, 2013.

Federaalka – Sharciga Montgomery GI – Militariga hubka sida

Sharciga Montgomery GI - Militariga hubka sida wuxuu gunnooyin waxbarasho oo dhan illaa 36 billood siiyaa halyeyada u qalma. Waxaa laga yaabaa inaad u qalanto haddii aad ka qaybqaadatay hawlaha waajibaadka markii ugu horreysay kadib Juun 30, 1985 oo aad dooratay inaad bixiso barnaamijka, aad shaqaysay laba sano ama ka badan oo waajibaad firfircoon ah, si sharaf leh lagaaga saaray, oo aad haysato shahaado dugsi sare ama mida GED.

Codsiga: Booqo www.gibill.va.gov si aad u hesho xog cusub oo ku saabsan gunnooyinka, ama la xirii Iskuduwaha Gobolka ee Waaxda Arrimaha Halyeyada ee kaambaaska aad doorato inaad ka qaybgasho. Booqo www.mymilitaryeducation.org si aad u hesho Iskuduwaha Kaambaaska deegaanka

Si aad u barato xog dheeraad ah, la xariir hay'ada ee gargaarka dhaqaalaha ama Waaxda Minnesota ee Arrimaha Halyeyada.

Barnaamijka Kaalmada Tuushinka Federaalka (FTA)

Ilaalada Qaranka ee sida Ciidanka iyo Kaydka ayaa laga yaabaa inay u qalmaan barnaamijkaan inta ay sii wadaan aqoon kasta illaa shahaadada heerka labaad ee jaamacada. Xubnaha ciidanka waa inay waydiiyaan waaxdooda ama iskuduwaha Barnaamijka Halyeyada Waxbarashada Sare arrimaha la xariira u qalmida iyo macluumaadka codsiga. Kani ma ahan gunno daamad qaad leh waxaana lagu bixisaa sida loo soo kala horeeyo, ayadoo lagu saleynaayo qofka marka koowaad imaaday. Caadiyan, waa inaad soo gudbisoo codsiga kahor inta teeramku bilaaban.

Codsiga:

Booqo www.goarmy.com ama la xariir Iskuduwaha Gobolka ee Waaxda Arrimaha Halyeyada ee kaambaaska aad doorato inaad dhigato. [Booqo https://linkvet.org/app/custom/education](https://linkvet.org/app/custom/education) si aad u hesho Iskuduwaha Kaambaaska deegaanka.

Sharciga Minnesota GI

Sharciga Minnesota GI wuxuu siiyaa maalgelin codsadyaasha xaqa u leh dhigta shahaadada Ciwaanka IV, heerka koowaad ee jaamacada, dibloomada ama barnaamijka qalin-jabinta. Codsadyaashu waxay heli karaan lacag dhan \$3,000 halkii sanaba.

U qalmida:

Waa inaad tahay arday degan Minnesota dhigtana xarun waxbarasho oo kutaala Minnesota:

- Waa inaad tahay halyey si sharaf leh uga soo shaqeeyay waax kasta oo katirsan ciidamada qalabka sida ee Maraykanka waqti kasta; ama
- Waa inaad tahay qof aan halyey ahayn oo si sharaf leh u shaqeeyay guud ahaan shan sano ama in ka badan isagoo xubin ka ah Ilaalada Qaranka ee Minnesota ama waax kasta oo dadka u adeega ama ciidamada kayd ah oo ka tirsan ciidamada qalabka ee Maraykanka, iyo aad ka shaqaysay qayb kasta hawlahaan ka maid ah markay ahayd ama wixii ka danbeeyay Sebteembar 11, 2001; ama
- Waa inaad tahay xaas ama ilmo ku tiirsan oo uu dhalay qof kamid ahaa ciidamada waqti kasta, oo dhintay ama qaba naafo guud iyo mid joogto ah taas oo ay sababtay natiijada tooska ah ee shaqada militariga.

Codsiga:

La xariir xaafiska gargaarka shaqaalaha ee dugsiya, Waaxda Minnesota ee qaabilsan Arrimaha Halyeeyada adoo kawacaaya www.gibill.mn.gov ama wac 888-546-5838 haddii aad qabto su'aalo. Sidoo kale waxaay dooran kartaa inaad la xariirto Iskuduwaha Gobolka ee Waaxda Arrimaha Halyeeyada ee kaambaaska aad doorato inaad dhigato. Booqo www.mymilitaryeducation.org si aad u hesho Iskuduwaha Kaambaaska deegaanka. Waxaa lagaa dooni karaa inaad keento dukumiinti la xariira shaqada militariga.

Lacag celinta Waxbarashada Gobolka Minnesota (STR) ee Ciidamada Qaranka iyo ilaalida Cirka

Barnaamijka Lacag celinta Waxbarasho ee Minnesota wuxuu kaalmo dhaqaale siiyaa xubnaha Ilaalada Cirka iyo Ciidanka Qaranka Minnesota. Barnaamijku wuxuu dib u bixiyaa kharashka xubnaha koorsada shaqada dhigta oo dhameeyay dugsi kasta, kana yaala gudaha gobolka ama meel ka baxsan gobolka, ee loo oggolaaday gunnooyinka askarta.

U qalmida:

Waa inaad tahay xubin firfircoon oo katirsan Ciidanka Minnesota ama Ilaalada Qaranka Cirka ee dhigta koorsada heerka koowaad iyo heerka labaad kana dhigta dugsi kasta oo loo oggolaaday gunnooyinka halyeeyada. Ardayda u qalma waxay adeegsan karaan Kaalmada Waxbarashada Federaalka iyo Lacag celinta Waxbarashada Gobolka, illaa (laakiin aan ka badnayn) 100 boqolkiiba waxbarashada iyo kharashaadka dugsiya.

U qalmida Dadka kutiirsan ee Soo badbaaday:

Haddii xubin katirsan Ilaalada Qaranka ee Minnesota la dilo asagoo kujira shaqada gobolka ama adeegga firfircoon ee gobolka ee uu federaalku maalgeliyo, xaaska xubinta ka badbaaday iyo ku tiirsanayaasha nool ee aan gaarin da'da 24 sano waxay xaq u yeelanayaan kharashaadka waxbarashada.



Codsiga:

La xiriir Xafiiska Arrimaha Halyeeyada ee degmada aad ku nooshahay ama la xiriir Waaxda Arrimaha Halyeeyada ee Minnesota. Iskuduwaha Gobolka ee Waaxda Arrimaha Halyeeyada ee kaambaaska aad doorato inaad dhigato. Booqo <https://linkvet.org/app/custom/education> si aad u hesho Iskuduwaha Kaambaaska deegaanka.

Bogga webseedka: <https://mn.gov/mdva/resources/education/survivingspousebenefit.jsp>

Kaalmada Waxbarashada Minnesota ee loogu talagalay Halyeeyada

Gobolka Minnesota wuxuu bixiyaa kaalmo waxbarasho oo loogu talagalay halyeeyada ka qayb gala machad waxbarashada dugsiya sare kadib ee kuyaala Minnesota. Halyeeyada waxay u qalmi karaan khidmad hal mar oo dhan \$750.

U qalmida:

Si aad xaq ugu qalanto, waa in aad keento bayaanka kasoo baxay Waaxda Arrimaha Halyeeyada Maraykanka oo muujinaysa inaad isticmaashay dhammaan gunnooyinka waxbarashada federaalka ee la heli karo; waana inaad deganayd Minnesota lix billood kahor inta aadan kusoo biirin ciidamada qalabka sida.

Codsiga:

La xariir Waaxda Arrimaha Halyeeyada Minnesota (hoos eeg), ama la xariira Iskuduwaha Gobolka ee Waaxda Arrimaha Halyeeyada ee kaambaaska aad doorato inaad dhigato. Booqo <https://linkvet.org/app/custom/education> si aad u hesho Iskuduwaha Kaambaaska deegaanka.

Xaasaska ay ka dhinteen Ciidamada Minnesota/Gunnooyinka kutirsanaanta Waxbarashada

Xaaska ama ilmaha uu dhalay halyeey dhintay oo ku dhintay shaqada nilitariga aahana qof deganaa Minnesota waxa laga yaabaa in uu xaq u yeesho in uu helo lacag dhan illaa \$750 sanadkii asagoo ka helaaya Waaxda Arrimaha Halyeeyada ee Minnesota. Xaasaska xaqa u leh iyo kuwa ku tiirsan waxay sidoo kale u qalmi karaan gelitaanka kuleejyada dadwaynaha iyo jaamacadaha Minnesota ayagoo ku dhiganaaya qaab lacag la'aan ah ilaa ay ka dhammeeyaan shahaadada koowaad ee jaamacadda ama wax u dhigma.

U qalmida:

Si uu ugu qalmo, ardaygu waa inuu noqdaa xaaska ciidamada dhintay ama qof ku tiirsanaa halyeey dhintay oo ku dhintay shaqada ciidamada ahaana qof deganaa Minnesota markii uu soo galayay ciidamada qalabka sida ee Mareykanka ama degenaa ugu yaraan lix bilood kahor intuuusan u dhiman sababo la xariira naafanimo ay keentay shaqada. Ardaygu waa inuu Minnesota u degan yabay sababo la xiriira kaalmada dhaqaale ee gobolka uu buuxiyo waana inuu kasoo baxo shuruudaha hormarka tacliimeed ee lagu qanci karo ee kuleejkiisa ama jaamacadiisa u degsan.

Codsiga:

La xiriir Xafiska Arrimaha Halyeeyada ee degmada aad ku nooshahay ama Waaxda Arrimaha Halyeeyada ee Minnesota ee kutaala.

Dhismaha Adeegyada Halyeeyada, Dabaqa 2aad
20 West 12th Street
St. Paul, MN 55155
Teleefanka: (651) 296-2562
Webka: www.mdva.state.mn.us

Xogta Gunnooyinka Waxbarashada Militariga

Waaxda Arrimaha Halyeeyada ee Minnesota
Khadka Xiriirka Halyeeyada: 1-888-546-5838
<https://mn.gov/mdva/>

Barnaamijka Waxbarashada Sare ee Halyeeyada
<https://linkvet.org/app/custom/education>

Kaalmada Tuushinka Federaalka ee Ilaalada Qaranka
www.goarmy.com

Waaxda Arrimaha Halyeeyada ee Maraykanka
www.gjbill.va.gov

Xafiska Waxbarashada Sare ee Minnesota
www.ohe.state.mn.us/military



Kaalmada Dhaqaale ee loogu talagalay Dadwayne Gaar ah

Waxaa laga yabaa inaad hesho kaalmo dheeraad ah ayadoo lagu saleynaayo shuruudo ka baxsan baahidaada shaqaale.
Barnaamijyada halkaan lagu qeexay waxaa kaliya kuwa la heli karo.

Deeqaha waxbarashada ee loogu talagalay Ardayda aan Caddaanka ahayn

Waxaa jira barnaamijyo dhowr ah oo gaar ah oo bixiyaha deeqaha waxbarashada ee loogu talagalay Ardayda aan Caddaanka ahayn. Webseedka kuleejkaaga ka baar deeqaha waxbarasho oo loogu talagalay qowmiyadaada.

Carruurta Agoonta ah ama Kuwa Lasoo Korsado

Carruurta agoonta iyo kuwa kujira korniinshaha waxaa laga yabaa inay u qalmaan kaalmo gargaar dhaqaale oo heer sare ah. Agoonta, waaxaha maxkamada, iyo carruurta kujira daryeelka korrinta wakhti kasta tan iyo markii ay 13 jirsadeen waxaa loo tixgaliyaa arday madaxbanaan oo loogama baahna inay soo gudbiyaan xogta dhaqaale ee waalidiintooda kuna soo gudbiyaan FAFSA.

Haddii aad dhigato kuleejka gobalka Minnesota ama jaamacada, waxaad u qalmi kartaa in lagaa dhaafo kharashka tuushinka gaar ahaan kuwa qaar kamid ah koorsooyinka ama barnaamijyada. Xog dheeraad ah ka hel kuleejka.

Foojarada Waxbarashada iyo Tababarka ee loogu talagalay Dhallinyaradii hore ee Daryeelka

Foojarada waxbarashadu waa lacag federaal ah oo ay heli karaan gobaladu ayadoo loo maraayo Sharciga Madax bannaanida Daryeelka ee Chafee Foster. Foojarada waxbarashada waxaa loogu talagalay in lagu caawiyo barbaarinta xanaanada korrinta ee hadda iyo kuwii hore ee kharashka waxbarashada dugsiga sare ka dambeeya. Cadadka abaalmarintu waxay ku salaysan tahay cadadka kaalmada kale ee ardaygu helaayo, iyo qiyaasta kharashka nolosha oo qayb ka ah codsiga.

U qalmida:

Waa inaad ka yar tahay da'da 21 sano marka la gaaro taariikhda kama dambeysta ah ee codsiga, lagugu aqbalay barnaamij dugsi sare kadib, waan inaad kasoo baxdo ugu yaraan mid kamid ah shuruudaha soosocda:

- Waa inaad gashay daryeelka korniinka markaad jirsatay ama wixii ka danbeeya dhalashadaada 16aad
- Waa in lagu geliyay daryeelka korrinta kadib dhalashadaada 16aad
- Waa inaad gashay daryeelka korniinka markaad jirsatay ama wixii ka danbeeya dhalashadaada 16aad marka qof qaraabo ah uu aqbalu wareejinta joogtada ah ee sharciga iyo qaadida masuuliyada oo loo maraayo amarka maxkamada dhalinta
- Waa inaad kujirto ama ku jirtay daryeelka gobalka markay dhalashadaadii 18aad.

Codsiga:

Codsiyada waxaa laga heli karaa mn.gov/dhs/ Baar barnaamijka Foojarada Waxbarashada iyo Tababarka (ETV) iyo Korniiinta Dhallinta ee ku hoos jira warqada E.

Si aad u codsato foojarka hore, waa inaad kusoo lifaaqdaa nuqulka abaalmarinahaaga kaalmada dhaqaale, FAFSA, warqadda aqbalaada waxbarashada dugsiga sare kadib, iyo natiiyooyinkii u danbeeyay. Ardaydu waxa laga yaabaa inay dib u codsadaan foojarrada waxbarashada/tababarka sannad kasta illaa ay ka gaarayaan da'da 23 sano haddii ay ka qayb qaadanayaan barnaamijka foojarka waxbarashada/tababarka oo ay samaynayaan hormar lagu qanci karo. Su'aalaha dheeraadka ah waxaa loo gudbin karaa Barnaamijka Foojarka Waxbarashada iyo Tababarka ee

Waaxda Adeegyada Dadwaynaha ee Minnesota

Teleefanka: (651) 431-4663

limaylka: dhs.etvcoordinator@state.mn.us

Ardayda Dhagoolayaasha ah ama Indhoolayaasha ah

Dadka degan Minnesota ee dhigta Jaamacadda Minnesota ee indho la'aanta ah waxay xaq u yeelan karaan in laga dhaafo kharashka tuushinka jaamacadda. Dadka degan Minnesota ee dhego la'aanta ah oo u qalma deeqda Pell ama Deeqda Gobalka waxay xaq u yeelan karaan kharashka waxbarashada iyo kharashka kuleejyada dadwaynaha ama jaamacadda ay dhigtaan. La xariir xaafiiska kaalmada dhaqaalaha kuleejka si aad u hesho xog dheeraad ah.

Hindida Maraykanka ee Ardayda ah

Ardayda Hindida Mareykanka ah ee Minnesota degan waxay xaq u yeelan karaan kaalmo dhaqaale oo dheeraad ah oo uu bixinaayo gobolka Minnesota, Xafiiska Arrimaha Hindida ee Mareykanka, iyo qabiilkooda.

Hindida Maraykanka ee Ardayda ah ee laga dhaafaayo Kharashka Tuushinka

Hindida Maraykanka ee Ardayda ah ee laga dhaafaayo Kharashka Tuushinka ee dhigta Jaamacadda Minnesota-Morris waxay aqoonsan tahay asalka kambaaska inuu yahay Dugsiga Golaha Hinida ee Morris oo la aasaasay 1800meeyadii. Hindida Maraykanka ee Ardayda ah ee dhigta Jaamacada Minnesota—Morris waxay codsan karaan kharash dhaafidaan ayadoo soo gudbinaaya codsiga dhaaftaanka kharashka tuushinka ee Hindida Maraykanka iyo dukumiintiga la aqbali karo.

U qalmida:

Si ay ugu qalmaan gunnooyinkaan, ardaydu waa in laga aqbaloo xafiiska oggolaanshaha jaamacada, waa inay buuxiyaan codsiga dhaaftaanka kharashka waxbarashada Hindida Maraykanka, oo ayna keenaan dukumiintiyada hidaha ee Hindida Maraykanka, oo ay ku jiraan kuwa soosocda:

- Dukumiintiga muujinaaya kamid noqoshada Qabiilka oo ay qabiil Hindi Ameerikaan ah oo federaalki aqoonsan yahay
- Shahaado muujinaysa inaad tahay Hindi dhalad ah
- Dukumiintiyada hidaha ee Hindida Maraykanka ee kale

Codsiga:

Ka buuxi codsiga www.morris.umn.edu/equitydiversity/financial/aitw.

Ardayda qaba su'aalaha waxay wici karaan (800) 992-8863 ama iimayl udir karaan morrisfa@morris.umn.edu.

Xaasaska iyo qofka ku tiirsan Sarkaalka Amniga Dadwaynaha

Carruurta ku tiirsan iyo xaaska uu ka dhintay sarkaalada amniga dadwaynaha ee lagu dilay gudashada waajibaadkooda waxay xaq u leeyihiin inay helaan gunnooyinka waxbarashada ayadoo loo maraayo Barnaamijka Deeqaha Dadwaynaha ee Dadka Ciidamadu ka dhinteen

U qalmida:

Si aad ugu qalanto abaalmarintaan, waxaa inaad qof ku tiirsan tahay ama aad tahay xaaska shaqaale ka shaqeen jiray arrimaha amniga dadwaynaha lana diray asagoo gudanaaya waajibaadkiisa shaqo markay ahayd ama kadib Janaayo 1, 1973. Qof qofka kale ku tiirsan waa inuu kasoo baxo shuruudahaan soosocda:

- Waa inuu ka yar yahay 23 sano ama ka yar yahay 30 sano jir haddii uu ka shaqeeyay waajibaadka ciidanka muddo dhan 181 maalmood oo isku xigta ama ka badan, si sharaf lehna looga fariisiiyay shaqada ama loo fasaxay
- Waa inuu ka diiwaangashan yahay barnaamijka heerka koowaad ee jaamacada uuna dhigto mid ka mid ah machadyada dugsiga sare kadib ee Minnesota ee ka qaybqaata barnaamijka deeqda dawladda.

Waa inay yihiin xaasas nimankooda ka dhigteen da' kasta iyo qof kutiirsan qof kale oo ka yar 23 sano ayaa sidoo kale u qalma inay adeegsadaan abaalmarinada waxbarashada heerka labaad ee jaamacada.

Codsiga:

Codsadayaashu waxa ay u baahan yihiin in ay xaqiijinta xaq u yeelashada geeyaan xafiiska gargaarka maaliyada ee dugsiga ay dhigtaan ama ay qorshaynayaan in ay dhigtaan. Xaqiijintaan waxaa laga heli karaa:

Xaafiiska Guddoomiyaha-

Waaxda Badqabka Dadwaynaha ee Minnesota

Teleefanka: (651)201-7160

Barnaamijka Fursada Deeqda ee Alliss ee Dadka Waaweyn ee Ku laabanaya Kuleejka Labada Sano:

- Deeqaha waxay diyaar u yihiin ardayda baahida dhaqaale u qaba inay dhigtaan Kuleejyada Gobolka Minnesota, ee iska diiwaan galiyay A.A., A.S., A.A.S., A.F.A., dibloomada, shahaadooyinka, iyo koorsooyinka MnTC ee loogu talagalay in loogu badelo barnaamijyada baccalaureate.
- Dadka helaaya waa inaysan horey u helin shahaadada imtixaanka baccalaureate.
- Dadka helaaya qasab ma ahan inay ku nool yihiin Minnesota.
- Deeqaha waxaa loo adeegsan doonaa oo lagu abaalmarin doonaa nidaamka codsiga kaalmada maaliyada ee caadiga ah ee kuleejka waxaana laga yaabaa in loo isticmaalo in lagu daboolo baahida hadhay kadib marka ardaygu helo Deeqaha Gobolka ee Pell iyo/ama MN.
- Dadka helaaya waxaa laga doonayaa inay la kulmaan lataliye si ay u abuuraan qorshe dhameystirka imtixaanka baccalaureate. Kulankaan waxaa inuu dhacaa inta lagu jiro simistarka la bixiyay abaalmarinta.

Habraaca Abaalmarinta:

Hanaanka lagu doorto dadka helaaya Deeqda Fursada ee Allis waxay ku kaladuwan yihiin kaambaasyadu. Fadlan la xariir xaafiiska gargaarka dhaqaalaha ee kuleejka aad dhiganayso (ama aad qorsheyneysa inaad dhigato) si aad u hesho xog dheeraad ah.

Barnaamijka Deeqda Jaamacada

U qalmida:

- Deequhu waxay diyaar u yihiin ardayda baahida dhaqaale u qaba inay dhigtaan Jaamacadaha Gobolka Minnesota.
- Ardayda waa in laga qoraa barnaamijka waxbarashada heerka koowaad ee jaamacada oo ah maalin buuxda.
- Deeqaha waxbarashada kuma koobna oo kaliya ardayda haysta buundada waxbarashada ee ugu sareysa; 40% kamid ah fasal kasta iyo ardayda haysta buundooyinka hoose ayaa u qalma in lagu sameeyo tixgelin.

Kaalmada Shaqaalaha Barakacay

Barnaamijka Shaqaalaha Barakacay wuxuu u adeegaa shaqaalaha ka tagay shaqadoodii ay muddo hayeyn.

Barnaamijyadaan waxay awooda saaraan kor u qaadista xirfadaha shaqada hadda la heli karo, tababarka, waxayna bixiyaan adeegyada kaalmada ah. Waydii xog ku saabsan Barnaamijyada Shaqaalaha Barakacay xarumaha Shaqada ee deegaankaaga.

Booqo www.positivelyminnesota.com/dw si aad u hesho xarunta ugu dhaw.

Gargaar Dhaqaale ee loogu talagalay Ardayda kujira Barnaamijyada Gaarka ah

Barnaamijyada Amaahda ee Xirfadaha Caafimaadka

Deeqo waxbarasho oo kaladuwan oo federaalku bixiyo iyo barnaamijyo dayn ayay heli karaan ardayda xiisaynaysa xirfadaha caafimaadka, sida kalkaalisada, dhakhtarka ilkaha, farmashiyaha, adeegyada indhaha, ama daawadooyinka. Barnaamijyada laga heli kambaaska waxaa kamid ah Barnaamijka Daynta Ardayga ee Xirfadaha Caafimaadka, Barnaamijka Amaahda Daryeelka Koowaad, Amaahda Ardayda Danyarta ah, iyo Barnaamijka Amaahda Ardayga kalkaalisada ah.

Codsiga:

Ardaydu waa inay la xariiraan xaafiiska kaalmada shaqaale ee dugsiga uu ka diiwaan gashan yahay ama uu isku dayaayo inuu iska diiwaangeliyo. Booqo <http://bhpr.hrsa.gov> si aad u barato xog dheeraad ah. La xariir flrpinfo@hrsa.gov haddii aad qabto su'aalo dheeraad ah.

Barnaamijyada Cafiska Amaahda Xirfadaha Caafimaadka ee uu Gobolka bixiyo

Waaxda Caafimaadka ee Minnesota gaar ahaan Xafiiska Caafimaadka Reer Miyiga iyo Daryeelka aasaasiga ah ayaa maamula barnaamijyada cafiska amaahda ee lagu leeyahay xirfadlayaasha caafimaadka ee soosocda

Dakhaatiirta Miyiga iyo Magaalada: Dadka degan deegaanka ee qaabilsan daryeelka aasaasiga ah iyo ardayda (dakhtarka bulshada, daawada gudaha, OB/GYN, dakhaatiirta carruurta, dakhaatiirta xanuunada dhimirka)

Dakhaatiirta Heerka-Dhexe waa ardayda xirfadaha baranaaya, ardayda kaaliyaha dhakhtarka, ardayda ah kalkaalisada umulisada ruqsada haysta, ardayda kalkaalisada suuxinta, ama ardayda kalkaalisada caafimaadka sare ee takhasuska leh.

Kalkaalisoooyinka: ardayda kalkaalisada ah ee ruqsada haysta ama ardayda kalkaalisada ah ee diiwaangashan.

Dakhaatiirta Ilkaha: ardayda barta dakhtarnimada ilkaha ama dakhaatiirta ruqsada haysta.

Farmashiilayaasha: ardayda ama dadka deegaanka ee kujira barnaamijka farmashiyada ama farmashiilayaasha ruqsada haysta

- Dakhaatiirta Koorsada Daryeelka Caafimaadka ee kahortaga cudurada: ardayda kujira waxbarashada si ay u noqdaan macalimiin bixiya daryeelka caafimaadka kahortaga cudurada.
- Koorsada kalkaalisada: ardayda kujira waxbarashada si ay u noqdaan macaliin kalkaalisoooyin ah.

Codsiga:

Codsiyada waxaa la heli karaa Sebteembar 1, 2020 waxaana laga codsan karaa:

Waaxda Caafimaadka Minnesota

Xafiiska Caafimaadka Reer Miyiga iyo Daryeelka aasaasiga ah

Teleefanka: (651) 201-3870 ama (800) 366-5424

Webka: www.health.state.mn.us/divs/orhpc/funding/loan/index.html

T.E.A.C.H. Early Childhood® MINNESOTA

T.E.A.C.H. Early Childhood® MINNESOTA waxay bixisaa deeqo waxbarasho sare oo loogu talagalay xirfadlayaasha daryeelka carruurta ee dhigta fasalka lagu barto shaahadada ama shahaadada kooraad ee waxbarashada dhallaanka, waxbarashada gaarka ah ee dhallaanka, ama korniinka ilmaha. Xog badan waxaa laga heli karaa www.childcareawaremn.org

T.E.A.C.H MINNESOTA

T.E.A.C.H MINNESOTA sidoo kale waxay taageero siisaa ardayda waqtiga buuxa wax dhigta ayadoo loo marayo abaalmarinta deeqaha Xasuusta Judy Lindman, taas oo ah abaalmarin amaah ah oo la cafin karo oo bixisa illaa \$6,000 sannadkii ugu badnaan muddo dhan laba sano. Si aad u hesho xog dheeraad ah oo ku saabsan barnaamijka waxbarashada dhallaanka ee T.E.A.C.H. Early Childhood® MINNESOTA, oo ay kujiraan shuruudaha u qalmida iyo liiska dugsiyada u qalmaaya, booqo <https://www.childcareawaremn.org/providers/grants-and-scholarships/teach-scholarships/>.

Deeqda Iskudiyaarinta Macalinimada Minnesota

Deeqda Iskudiyaarinta Macalinimada Minnesota waxay kaalmo dhaqaale oo ah waxbarashada dugsiya sare kadib siisaa ardayda xaq u leh ee iska diiwaan galiyay barnaamijyada iskudiyaarinta macalinimada Minnesota inta lagu guda jiro hal xilli oo ardaygu kasoo baxaayo shuruudaha 12da usbuuc ama in kasi badan oo ah waayo-aragnimada waxbarida ardayga. Barnaamijku wuxuu leeyahay labo ujeedooyin. Mida kooraad, waa in shaqsiyaadka la dhiirrigeliyo, gaar ahaan kuwa katirsan qowmiyadaha ama jinsiyadaha aan ku jirin macaliminta shaqaalaha Minnesota, si ay macalimiin u noqdaan. Labo, waa in lagu dhiirrigeliyo ardayda inay waxbaraan Minnesota gaar ahaan meelaha ruqsada loo qoondeeyay iyo meelaha uu gabaabsiga waxbarasho kajiyo.

U qalmida:

- Waa inaad ka diiwaan gashan tahay kuleejka ama jaamacada Minnesota ee u qalma barnaamijka iskudiyaarinta macalinimada ee u baahan ugu yaraan 12 asbuuc oo waxbarasho ah si ardayda loogu diyaariyo inuu helo ruqsada macalinimada oo dhamaystiran.
- Waa inaad doonayso inaad wax ku barto goobta ruqsada loo qoondeeyay ama aag gabaabsi waxbarasho kajiyo ama aad ka tirsan tahay qoomiyad ama jinsiyad aan ku jirin macaliminta shaqaalaha Minnesota;
- Codsi bilaash ah oo loogu talagalay Gargaarka Federaalka ee Ardayda (FAFSA) iyo Codsiga Xeerka Riyada Minnesota ee sanadka gargaarka; iyo
- Waa inaad muujiso inaad qabto baahi dhaqaale.

Codsiga:

- Qaybta ardayda waxaa kujira dhammaan xogta muhiimka ah oo la saxiixay laguna qoray taariikhda;
- Codsi bilaash ah oo loogu talagalay Gargaarka Federaalka ee Ardayda (FAFSA) ama Codsiga Xeerka Riyada Minnesota;
- iyo Qaybta Kuleejka ama Jaamacada oo uu buuxiyey wakiil sharci u haysta oo katirsan kuleejka ama jaamacada aad dhigato oo ay ku jiraan dhammaan macluumaadka loo baahan yahay.

Barnaamijyada dib loo bixiyo amaahda caafimaadka ee dheeraadka ah ayaa laga yaabaa in laga helo Waaxda Caafimaadka iyo Adeegyada Aadanaha ee Mareykanka

Barnaamijka Dib u Gudida Daynta Macalimiinta Meelaha Gabaabisku ka jiro

Macalimiinta bixiya casharrada fasalka ee meelaha macalimiinta ku yar yihiin ee gobalka Minnesota waxay xaq u yeelan karaan kaalmada dib u bixinta daynta ardayga oo dhan \$1,000 sannadkii illaa guud ahaan lacag dhan \$5,000 oo ah abaalmarinaha dib u bixinta. Ujeedada barnaamijka waa in lagu dhiirigeliyo macalimiinta inay waxbaraan Minnesota gaar ahaan meelaha uu gabaabsiga waxbarasho kajiro. Meelaha gabaabsiga waxbarasho kajiro waxaa kamid ah goobaha ruqsada haysta ee ay ka jiraan baahida macalimiinta ee sare, gobolada juqraafiga ee gobolka ee ay kajirto gabaabsi macalinimo, iyo goobaha ruqsada macalinka haysta oo ay baahi wayn kajirto gaar ahaan goobaha gobolka kamid ah.

U qalmida:

Guud ahaan, codsadaayaashu waa inay hadda:

- Haystaan ruqsada macalinimada oo uu bixiyo Guddiga Ruqsada Macalimiinta Xirfadlayaasha ah ee Minnesota (PELSB)
- Ka shaqeeyaan dugsi degmadeedka si ay u bixiyaan waxbarashada fasalka
- Wax baraan meelaha baahida macalinimo kajirto; iyo
- Waa in lagu leeyahay dayn waxbarasho oo heerkeedu sareeyo

Codsiga:

Dadka codsanaaya waa inay sanadkiiba ka codsadaan Xaafiiska Waxbarashada Sare ee www.ohe.state.mn.us

Dadka codsanaaya ee kasoo baxa shuruudaha u qalmitaanka guud waxaa laga codsan doonaa inay bixiyaan dukumiinti dheeraad ah si loo xaqiijiyo macluumaadka lagu bixiyo codsiga.

Barnaamijyada Isdhaafsigu iyo Waxbarshada la dhimay

Si aad ula socoto xogtii ugu danbeysay ee isdhaafsigu, booqo www.ohe.state.mn.us/reciprocity.

Minnesota waxay heshiisyo isdhaafsi waxbarasho la gashay dawladaha dariska ah iyo gobollada Kanada si loo dhimo caqabadaha gelitaanka dadka aan gobalka deganayn.

Isdhaafsigu Tuushinka

Minnesota waxay heshiisyo isdhaafsi waxbarasho la gashay Wisconsin, North Dakota, South Dakota, iyo Manitoba. Ardayda (oo ay kujiraan ardayda aan sharciga lahayn ee u qalma sida ku xusan Xeerka Riyada MN) waa inay codsadaan gunnooyinka isdhaafsigu waxbarashada waana inay sidaas sameeyaan isla marka ay ogaadaan inay dhiganayaan machad u qalma. Haddii aad horey ka codsato waxay xaqiijinaysaa in ardayda lagu soo dalaci doono qiimaha waxbarashada ee isdhaafsigu marka ay iska diwaangeliyaan fasalada. Codsiyada la helo kadib maalinta ugu dambaysa ee xilli dugsiyeedka waxay kaliya khuseeynayaan shuruudaha xigga. Majiro kharash lagaaga qaadaayo codsashada isdhaafsigu.

Gunnooyinka isdhaafsigu waxaa si ootamaatiga ah loogu cusboonaysiiyaa Minnesota, Wisconsin, North Dakota, iyo South Dakota ardaydii helay buundooyinka dugsiya sare kadib 12 kii billood ee la soo dhaafay.

Oonleen kaga codso www.ohe.state.mn.us/reciprocity

Codsiyadu waxa ay diyaar noqonayaan 1 da Maarso gaar ahaan dayirta soosocota. Ardayda aan sharciga lahayn ee u qalma sida uu dhigaayo Xeerka Riyada MN waa in ay buuxiyaan codsiga warqada ah haddii aysan haysan lambarka amniga bulshada.

Isdhaafsigu Minnesota/Wisconsin

Dhammaan barnaamijyada shahaadada koowaad ee jaamacadda iyo shahaadada labaad ee jaamacada waxaa heli kara dadka degan labada gobol, marka laga reebo barnaamijyada xirfada daawada, caafimaadka xoolaha, iyo dhakhtarka ilkaha ee Jaamacadda Minnesota-Twin Cities iyo Duluth iyo Jaamacadda Wisconsin-Madison.

Isdhaafsigu Minnesota/North Dakota

Dhammaan barnaamijyada shahaadada koowaad ee jaamacadda iyo shahaadada labaad ee jaamacada waxaa heli kara ardayda sameynaaya isdhaafsigu.

Qaar kamid ah barnaamijyada xirfadaha ayaa sidoo kale kujira; waxyaabaha ka reeban waa: sharciga, farmashiyaha, iyo daawada.

Isdhaafsiga Minnesota/South Dakota

Dhammaan barnaamijyada shahaadada koowaad ee jaamacadda iyo shahaadada labaad ee jaamacada waxaa heli kara ardayda sameynaaya isdhaafsiga, oo ay kujiraan qaar kamid ah waxbarashada xirfadaha sare.

Isdhaafsiga Minnesota/Manitoba

Dadka degan Minnesota iyo Manitoba ee raba inay helaan faa'iidooyinka isdhaafsiga waxbarashada waa inay la xiriiiraan dugsiga ay doonayaan inay iska diwaangeliyaan.

Barnaamijka Iswaydaarsiga Ardayda Midwest

Dadka degan Minnesota (oo ay kujiraan ardayda aan sharciga haysan ee u qalma sida ku xusan Xeerka Riyada MN) waxaa laga yaabaa inay iska diiwaangeliyaan barnaamijyo tiro xadidan ah oo la doortay ahna machadyo dadwayne iyo kuwo gaar loo leeyahay oo bixiya waxbarashada ka danbeysa dugsiyada sare ee Illinois, Indiana, Kansas, Michigan, Missouri, iyo Nebraska ayadoo la dhimay heerka qiimaha tuushinka ayadoo loo marayo barnaamijka Iswaydaarsiga Ardayda Midwest. Ardayda degan Minnesota ee dhigta ama qorsheynaya inay dhigtaan machad dadwayne oo kuyaal Waqooyiga Dakota ama Wisconsin waa inay codsadaan isdhaafsi. Ardayda ka diiwaanshan waxbarashada masaafada ah ama dhammaan barnaamijyada oonleenka ah ee sii jooga guriga uma qalmaan isdhaafsiga Wisconsin.



3

Deeqaha waxbarashada iyo Deeqda

Xafiska Waxbarashada Sare ee Minnesota
1450 Energy Park Drive, Suite 350
Saint Paul, MN 55108-5227

Teleefanka: 651.642.0567 ama 800.657.3866
Isgaarsiinta Dadka Maqalka naafada ka ah:
800.627.3529
Fakiska: 651.642.0675

limaylka: info.ohe@state.mn.us

www.selfloan.state.mn.us

www.ohe.state.mn.us

©2021 Minnesota Office of Higher Education